



Broj predmeta: 13-001250/21
Broj akta: 01.1-1413EK-0024/21
Datum, 16.8.2021. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18– prečišćeni tekst, 49/18, 08/19, 10/19 i 32/19) u skladu sa članom 69. Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda broj: 13-001250/21 od 16.08.2021. godine, Prijedloga Komisije za javne nabavke broj: 13-001250/21 od 16.08.2021.godine, gradonačelnik Brčko distrikta BiH d o n o s i

ODLUKU O PONIŠTENJU POSTUPKA JAVNE NABAVKE

Član 1.

Poništava se otvoreni postupak za javnu nabavku radova na izgradnji objekta Gradski stadion – IV faza izgradnje, a prema zahtjevu za nabavku Odjeljenja za javne poslove Vlade Brčko distrikta BiH, koji je proveden na osnovu Posebne odluke o pokretanju postupka javne nabavke broj: 13-001250/21 od 14.06.2021. godine, Obavještenja o nabavci broj: 1157-1-3-295-3-306/21 objavljenim na portalu javnih nabavki dana 21.06.2021. godine, iz razloga što su cijene svih prihvatljivih ponuda znatno veće od osiguranih sredstava za predmetnu nabavku, što prema čl. 69. stav (2) tačka e) Zakona o javnim nabavkama predstavlja osnov za poništenje postupka javne nabavke.

Obrazloženje:

U postupku javne nabavke radova na izgradnji objekta Gradski stadion – IV faza izgradnje, a prema zahtjevu za nabavku Odjeljenja za javne poslove Vlade Brčko distrikta BiH dostavljene su tri ponude i to ponuđača: Grupa ponuđača: “Buk Promet” d.o.o. Bijeljina i “Antikorozijska” d.o.o. Bijeljina, Grupa ponuđača: “Gradnja DMD” d.o.o. Brčko, “Galax-niskogradnja” d.d. Brčko, “Wortman Metal” d.o.o. Srebrenik i “Sector security” d.o.o. Banja Luka i Grupa ponuđača: “Bijelić Gradnja” d.o.o. Brčko, “Astra Plan” d.o.o. Brčko, “Papillon” d.o.o. Čelić, “Conram” d.o.o. Brčko, “Mael company” d.o.o. Beograd i „Graditelj” d.o.o. Brčko. Svi ponuđači su priložili traženu garanciju za ozbiljnost ponude. Grupa ponuđača: “Gradnja DMD” d.o.o. Brčko, “Galax-niskogradnja” d.d. Brčko, “Wortman Metal” d.o.o. Srebrenik i “Sector security” d.o.o. Banja Luka na strani 144. svoje ponude u stavci 16 (Nabavka, izrada i ugradnja čeličnih anker pločica) nije upisao jediničnu, ni ukupnu cijenu za tu stavku. U tački 4.5 tenderske dokumentacije je jasno navedeno da u slučaju da ponuđač propusti popuniti obrazac za cijenu za sve stavke, njegova ponuda će biti odbačena. S obzirom da je upisivanje jedinične cijene za svaku stavku u ponudu obavezno, ponuda grupe ponuđača: “Gradnja DMD” d.o.o. Brčko, “Galax-niskogradnja” d.d. Brčko, “Wortman Metal” d.o.o. Srebrenik i “Sector security” d.o.o. Banja Luka je ocijenjena kao nepotpuna i neprihvatljiva. Ponude grupe ponuđača “Buk Promet” d.o.o. Bijeljina i “Antikorozijska” d.o.o. Bijeljina, kao i grupe ponuđača “Bijelić Gradnja” d.o.o. Brčko, “Astra Plan” d.o.o. Brčko, “Papillon” d.o.o. Čelić, “Conram” d.o.o. Brčko, “Mael company” d.o.o. Beograd i „Graditelj” d.o.o. Brčko su ocijenjene kao kvalifikovane u skladu sa zahtjevima iz tenderske dokumentacije. Tačkom 3.4.1 tenderske dokumentacije su definisani uslovi koji se trebaju ispuniti u vezi tehničke i profesionalne sposobnosti ponuđača. Prilikom analize ponuda utvrđeno je da je u ponudi grupe ponuđača “Bijelić Gradnja” d.o.o. Brčko, “Astra Plan” d.o.o. Brčko, “Papillon” d.o.o. Čelić, “Conram” d.o.o. Brčko, “Mael company” d.o.o. Beograd i „Graditelj” d.o.o. Brčko kao dokaz

za ispunjavanje uslova iz tačke 3.4.1 pod 1, dostavljena potvrda u kojoj se ponuđač javlja i kao ponuđač i kao investitor. S obzirom na navedeno od ponuđača "Bijelić Gradnja" d.o.o. Brčko je traženo da pojasni navedenu potvrdu u smislu dokazivanja navoda iz potvrde. Ponuđač je kao dokaze dostavio upotrebne dozvole za navedeni objekat, kao i analitičke kartice o ulaganjima u objekat. Komisija je detaljno razmotrila dostavljene dokaze, te je utvrdila da su navodi iz potvrde potkrijepljeni dokazima, te je prihvatila dostavljeno pojašnjenje. Nakon otvaranja ponuda članovi komisije imenovani ispred Odjeljenja za javne poslove su preuzeli po jednu kopiju od svih ponuda kako bi izvršili računsku kontrolu ponuda. Nakon izvršene računske kontrole ponuda uočeno je da u ponudama obje grupe ponuđača čije su ponude ocijenjene kao prihvatljive i kvalifikovane postoje računske greške koje su navedeni članovi komisije ispravili, a na šta su saglasnost dali ponuđači. Dalje je Komisija, prije provedene e-aukcije razmotrila najpovoljniju ponudu sa aspekta mogućnosti da se radi o neprirodno niskoj cijeni ponude, te je ustanovila da ne postoje elementi niske cijene. Nakon što je komisija utvrdila kvalifikovanost ponuđača, sa ponudama koje su prihvatljive, potpune i računski ispravne, u skladu sa odredbama tačke 4.17. tenderske dokumentacije izvršena je e-aukcija. Nakon provedene e-aukcije ustanovljeno je da nije došlo do promjene cijene u odnosu na početne ponudene cijene. U daljem toku postupka, Komisija je ustanovila da iznos najpovoljnije ponude značajno prelazi procijenjenu vrijednost ugovornog organa, te je od Odjeljenja za javne poslove dopisom od 10.08.2021. godine traženo da se izjasne da li je procijenjena vrijednost realna, te da li postoji mogućnost obezbjeđivanja dodatnih sredstava za realizaciju predmetne nabavke. Od Odjeljenja za javne poslove je dopisom od 12.08.2021. godine dostavljena informacija da je procijenjena vrijednost određena u skladu sa čl. 15 Zakona o javnim nabavkama i u tom trenutku raspoloživim informacijama o stanju na tržištu. Takođe je navedeno da Odjeljenje za javne poslove nije u mogućnosti da obezbijedi dodatna nedostajuća sredstva tako da treba pristupiti okončanju postupka nabavke poništenjem. Zbog svega navedenog, odnosno iz razloga što su cijene svih prihvatljivih ponuda znatno veće od osiguranih sredstava za predmetnu nabavku, Komisija je dala preporuku za donošenje odluke o poništenju postupka javne nabavke, a sve u skladu sa odredbama člana. 69. stav (2) tačka e) Zakona o javnim nabavkama.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVITI:

1. Pododjeljenju za javne nabavke,
2. Ponuđačima,
3. Odjeljenju za javne poslove,
4. Gradonačelniku,
5. Zamjeniku gradonačelnika,
6. «Službenom glasniku Brčko distrikta BiH»,
7. Arhivi.

